

مشرق و غرب

مطبعه و محل اداره :

جغال اوغلنده امنيت
صندوغى جوارنده
شنگول يقوشنده
۲۰ نومرو

اظهار :

مسلکمزمووافق آثار
جدیده مع الممنونیه
قبول اولنور

درج ایسلامین آثاراعاده اولنماز

دین ، فلسفه ، علوم ، حقوق ، ادبیات تاریخ ، سیاسیاندره وبالخاصه احوال و شئون اسلامیدر بحث ایدر وهفته ده بر نشر اولنور .

آبونه بدلی

صاحب ومؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

سنه لکی	التی آیلغی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

عدد : ۱۴۷

۳ رجب الفرد ۱۳۲۹ پنجشنبه ۱۶ حریران ۱۳۲۷

آلتنجی جلد

— کلام دیدیککنز تؤلوژی اوله جق که باشند باشه سفسطه در !

حسب حال

الفاظ جلیله فرقیه نك صورت ادا و تلاوتنده شایان اخذ و قبول اولیان وجوه واحتمالاتك ضعفیتی ویا کلیاً عدم مقبولیتی اکلامقدمه انسان دوچار مشکلات اولزه الفاظ جلیله فرقیه نك هدف تغییر و تحریف اولماسی امر مهمنی تأمین بوعلم جلیله ووقوف وانه مایه ممکن اولور. جناب کبریا ﴿ انا نحن نزلنا الذکر وانا لله لحافظون ﴾ آیت جلیله سنده فرقان حکیم الی الابد تغییر و تحریفدن محفوظ و مصون قاله جفنی حبیب کریمه خبر ویردی . مفسرین عظام حضراتی سورة مجرده واقع اشبو آیت جلیله نك تفسیرنده فرقان حکیمك مصون و محفوظ قالمسك سبب یکانه سی امت منجیه اسلامیه دن بر فرقه مخصوصه . صه نظم جلیل فرقانینك امر تعلیم و تعلمنی کندولرینه مایه الاشتغال عد ایتش اولمایدرد بیوردیلر .

تسکیم ذات رسالتپناه صلی الله تعالی علیه وسلم افندمز حضرتلری عزم کلشنسرای آخرت بیوردقلرند نصکره اصحاب کزین وعلی الخصوص خلفای راشدین حضراتنك اهم اموری فرقان حکیمك امر حفظ وصیانتی تأمین ایتك اولمشدر . بعده تابعین وتبع تابعین عصرندن برو بوکونه قدر قرآن عظیم الشانی وجوهات واداسیله حفاظ و حمله قرآن محفظه احتراملرینه آله رق اسباب تحفظ وانضباطیه سنی نیت و تأمین ایتش اولدقلری کبی الی قیام الساعه ایده جکلری دخی آیت جلیله مذکوره واحادیث نبویه واحوال جاریه ایله ثابتدر .

تسکیم امام فخرالدین رازی حضرتلری دخی بو خصوصك بقا ودوامی بعونه تعالی امتك بقا ودوامیله اوله جفنی آیت جلیله مذکو . ره نك تفسیر شریفنده بیوررکه ﴿ فان قیل فلم اشتغلت الصحابة بجمع القرآن فی المصحف وقد وعد الله تعالی یحفظه و ما حفظ الله تعالی فلا خوف علیه والجواب ان جمعهم للقرآن کان من اسباب حفظ الله تعالی اباه فانه تعالی لما اراد وحفظه قیضهم لذلك فاختلفوا فی انه تعالی کیف یحفظ القرآن قال بعضهم الی آخره وقال آخرون اعجز الخلق عن ابطاله و افساده بان قیض جماعة یحفظونه ویدرسونه ویشهرونه فیما بین الخلق الی آخر بقاء التکلیف . انتهى ﴾

امدی بلطفه تعالی کتاب مبین الهینك نشر و تعلیمه رجال امت هر آن وزمان سعی و همت ایتشلر و ایتکده درلر .

اخذ قرائت ایکی طریقه اولوب بری عرض . دیکری استماعدر . عرض . — طالب او قویوب مقری دیکله مکدر . استماع . — معلم او قویوب متعلم دیکله مکدر . قرآن عظیم الشانك اخذنده عرض و استماعدن بشقه مسلك قبول ایدلماشدر . بناء علیه سلسله اخذ و قرائت ومنتظماً و متصلاً ذات رسالتپناه صلی الله تعالی علیه وسلم افندمز حضرتلرنده نهایت بولمغله معتبردر . قراء اصحابدن ابوالدرداء رضی الله عنه حضرتلری شام شریفك حین فتحنده شامه قاضی نصب اولمغله بر صباح جامع شریفده اداء صلوۃ ایتدکدن صکره فرقان حکیمك امر تعلم و اخذی ایچون اطراف و بقاعدن طویلانان ذواته وظیفه مهمه (تعلیمی ایفا بیوررلردی . جماعتی اونر اونر خلقیه بالتفریق هریرینه عریف قرائت اولان بر ذات تعیین ایلمشیدی . بر

اون کشتی حل مشکلات ایچون کندیلرینه عریف ورئیس تعیین اولشان ذته مراجعت ایدر اوده بیلدیکنی تعریف بیلمدیکی تقدیرده محراب اوکنده کال انتباه ایله نظارت ایدن جناب ابی الدرداء رضی الله عنه حضرتلرینك انظار مدققانه سنه عرض ایلر ایدی . اجله امتدن بر جوق ذوات کرام نفسلرینی بالخاصه قرآن کریمك الفاظ عالیه سنی و صورت قرائت و وجوه و اداسنی ضبط و تعلیم ایتك خصوصنه وقف ایدوب بوبایده مقتدای امت اولمشدر . ائمه سبعه که نافع ، ابن کثیر ، ابو عمرو ، ابن عامر ، عاصم ، حمزه ، کسایی ، وراویلری ، وائمه ثلاثه که ابو جعفر ، یعقوب ، خلف العاشر حضراتی اولوب بوخصوصده اک زیاده اشتهار ایدن بواون ذوات کرامدر . بین القراء جماعه سی ائمه عشره نامیله معروفدر . انلرک روایت و اخذلریله ثابت اولان قرائت مقبول و متداولدر . مشارالیه حضرتنك بعضلری صحابه کرامدن و بعضلری اجله کبار تابعیندن قرائت قرآن اخذ ایلمشلدر . از جمله ائمه سبعه دن ابن عامر حضرتلری بالذات ابوالدرداء رضی الله عنه حضرتلرندن اخذ قرائت ایتش و عریف تعیین اولنش اولان ذواتدن اولوب ابوالدرداء رضی الله عنه حضرتلرینك وفاتندن صکره تعلیم قرآن کریم کندوسنه انتقال ایتشیدی ؛ ائمه عشره وراویلرینك وقوع بولان جهد واقدمات متوالیه لریله قرائت متواتره و مشهوره و روایات شاذه واحتمالات غیر مأخوذه تبین ایدوب وجوه قرائت صدوردن سطورده نقل اولمشدر .

بشیوز تاریخلرینه قدر طریق انفراد اوزره وجوه قرآنیه تعلیم و تدریس اولنه رق ائمه قرآنك هر برلرینك وجوه و قرائتلری آیری آیری قرائت و ختم اولنور ایدی . بعده اندراج طریق اوزره اهل ادا ختمه واحده ده وجوه قرآنیه تعلیم و تدریس و قرائت ایلملریله الی الان اندراج وجهله اخذ و تعلیم و قرائت اولنمقددر .

علم قرآننده اولاً تألیف کتابه موفق اولان ابو عبید القاسم بن سلام و ابو عمرو الدانی و امام شاطبی و امام سخاوی و امام جبری حضرتلر و علم قرآنده آثار نافه سیله کزیده کسب شهرت ایدن خاتمه المحدثین امام شمس الدین محمد بن الجزری حضرتلریدر . شامدن مصره عزیمتله بر مدت تدریس و نشر قرائت ایتدکدن صکره ۷۹۸ سنه هجریه سنده جنتمکان غازی سلطان بایزید خان علیه الرحمة والغفران حضرتلرینك زمان سلطنتلرنده بروسه شهرینه عزیمتله نشر علوم وجوه قرائت قرآنیه تعلیم و تدریسله مشغول و طریق تقریبدن « نشر کبیر » و « صغیر » و « طیه » کتابلرینی و طریق عشره دن تحجیر و سائر کتابلر تألیفیه بوات مرحومه بی احیا ایلمشدر .

مابعدی وار

قیز سلطانی مکتبی

بن ظن ایدیورم که شرکک اجتماعی خسته قلرندن اک منتشر واک و خیمی ، سوزله ایش آردسك برلشه میه جک قدر آچلمش اولماسیدر . بزده اخلاق قاعده لری ، شریعت امرلری ، پیغمبر سوزلری ، قانون